



O sauāga i feusua'iga, faiga faataugā ma faiga faatauānau e mafai ona tupu i luga o le initaneti faapea ma le soifuaga masani. Ae e tusa lava pe o anafea ma pe faapefea ona tupu, e matua lē talafeagai lava. A tupu lenei mea ia oe poo se isi e te silafia, e tatau ona e lipoti atu i leoleo.

Ia manatua foi afai e oo ia te oe ni sauāga i feusua'iga, faiga faataugā poo faiga faatauānau, e lē o sou sese ma o se mea lelei le saili o se fesoasoani.

**Sauāga i feusua'iga** – taumafai e tagotago faamalosi i uiga faafeusua'iga i le isi itupa, e aofia ai feusua'iga e fai pe taumafai e fai faamalosi, ma le pa'i fua e aunoa ma se faatagaga. Afai o oe o se tamaititi, e leai se tasi na te ono faali atu ia te oe ni ata poo video o uiga tau feusua'iga, pe faasoa atu ia te oe ia mea i luga o le initaneti.

**Faiga faataugā i feusua'iga** – pe a faaogā sese e se tasi lou faatuatuga pe faaogā sese o latou tulaga pule mo so latou lava manuia i mea tau feusua'iga. O se tasi e pei o se faia'oga poo se tasi i le tulaga pule e na te ono faatauina mo oe ni meaalofa ae faafesuia'i i ni faiga faafeusua'iga pe fesili ia te oe mo ata faalilolilo ona faaogā lea o na ata mo se mafuaaga leaga. O tagata e fai atu ia te oe e ave atu ia i latou ni mea pe fai ni mea e lē lelei ai ou faalogona pe e te fefe ai, e lē o latou o ni tagata lelei ma e leaga o latou faanaunaga. Ia mataala i tagata e ono faatagā faafoliga mai o loo latou agalelei atu ia te oe. O nisi tagata leaga e taumafai ina ia e maufaatuatuaina i latou ina ia mafai ai ona latou fesili mai ia te oe mo mea e pei o ata.

**Faiga faatauānau tau feusua'iga** – pe a faia e se tasi ni amioga tau feusua'iga e lē taliaina pe e fai se mea ae tau i feusua'iga, e faamata'u oe i ni uiga tau feusua'iga, pe faia nisi amioga e lē taliaina e iai se natura tau feusua'iga. Mo nisi faamatalaga, atonu e aogā mo oe nei fesoasoani:

[facebook.com: Safety/StopSextortion](https://facebook.com/Safety/StopSextortion)

[netsafe.org: Image Based Abuse](https://netsafe.org/ImageBasedAbuse)

[netsafe.org: Grooming](https://netsafe.org/Grooming)

[getsafeonline.org: ProtectingYourself](https://getsafeonline.org/ProtectingYourself)

**O le faasoa atu o ni ata matagā tau feusua'iga poo ata o tamaiti telenonoa e matuā lē lelei tele. A fai e te vaai i nei mea, e tatau ona e lipotia i leoleo.**

E tusa ai ma tulafono faavaomalo, o le tamaititi o soo se tasi e i lalo ifo o le 18 tausaga poo le tausaga faatulagaina i lou atunuu, poo le ā lava le maualuga.

### IA MANATUA PEA:

1. E LĒ LELEI mo soo se isi ona lafoina ni ata poo video o tagata telenonoa poo feusua'iga i se tasi e le'i molimano mai i ai.
2. E LĒ LELEI foi mo se isi ona faamalosi le isi tagata e lafo atu ni ata poo video o tagata telenonoa poo feusua'iga.
3. E LELEI le fai atu 'leai' ma fai na o mea e te manao e fai, ma o loo e lagona ai le fiafia.

### O LE Ā SE MEA E MAFAI ONA OU FAIA?

1. **Talitonu i ou faalogona.** Afai e fai e se tasi se mea e lē to'afilemu pe lē saogalemu ai ou faalogona, ia e faalogo i ou lagona ma ia e talitonuina oe lava.
2. **Ia e gaioi ma saili se fesoasoani.** Afai e oo ia te oe ni sauāga i feusua'iga, faiga faataugā poo faiga faatauānau, i luga o le initaneti poo le olaga masani, ta'u i se tasi e te maufaatuatuaina o le a fesoasoani ia te oe i le vaiga o le tulaga.
3. **Lipoti amioga leaga, taufaafefe pe faileagaina ai isi** i luga o le initaneti ma poloka soo se tasi e taufaafefe pe faileagaina oe i luga o fesoota'iga televavave ina ia lē toe mafai ona latou faafesoota'i atu oe i luga o lena auunaga (platform). Mo nisi faamatalaga e uiga i lipoti i luga o le Facebook, asiasi i le Ofisa Fesoasoani [Help Centre](#). Atonu foi e te manao e faitau ta'iala poo [Facebook Community Standards](#) e te iloa ai poo ā mea e faataga ma mea e lē faatagaina i luga o le auunaga.

